

Ac præterea hic numerantur cccclxv non ignobiles pagi. *Media Marchia* ab altera Albis parte initium sumit, & extenditur ad *Oderam* & *Suevum* (vulgo *Spre*) fluvios. A Suevis olim habitata fuit. Hujus Marchiæ Metropolis est *Brandenburgum*, de quo modo dicere coepimus, urbs satis celebris ad Havelam fluvium sita, aliis a Brenno Duce Gallorum nominata, ut supra quoque diximus, & exstructa putatur: alii a Brandone Francorum Principe Marcomiri Filio conditam putant: qui circa annum Christi cxi hanc Regionem subegit. Fuit hic olim Pantheon Vandalorum, quorum Dii fuerunt tum alii, tum etiam *Zornebock* & *Swandewitz*, quomodo id narratur in Chronicis Mersburgicis. Est vero hodie hic totius regionis tribunal. Multa sunt huic urbi privilegia, & immunitates, ab Imperatoribus, Regibus & Principibus olim ei concessa: cujus indicio est statua pedestris in Novæ urbis parte posita, strictum gladium dextra tenens, quam *Rolandum* Cives vacant. *Brandenburgum* sequitur *Rathenavium* ad Havelam: *Spandavium* cum propugnaculo ad Suevum fluvium exstructo: deinde *Colonia*, & *Berlinum*, duo Opida a Suevo fluvio separata. Hic hodie Principis aula. Est & urbs primaria *Francfurtum*, cujus situs longe est jucundissimus ad Viadrum (quem *Oderam* vocant) Piscium copia abundantem: hic ad ortum est: cætera urbis cingunt amoenissimi colles & Vineta lectissima, è quibus Vinum colligunt, quod in Pomeraniam, Daniam, Borusiam, & vicina loca secundo amne devehunt. Exstructa est urbs primum anno cxcclxii a Gedingo ab Hertzberg, aulicis & jussu Ioannis I Marchionis, Bræburgici. Emporium est celebre, ternis nundinis singulis annis frequens. Gymnasium etiam habet artium, linguarum, & facultatum præcipuarum, exstructum anno cxcvii a Ioachimo Marchione, multisque exornatum stipendiis. In quo jam inde ab initio in omni artium & disciplinarum atque linguarum genere præstantissimi Doctores fuerunt, quorum aliqui a Sebastiano Munstero recensentur. Alia præterea Opida sunt. *Brietza*, *Fida* cognomé habens: item *Belieza*, *Bernavium*, *Bellinum*, *Mittenwaldum*, *Monachobergum*, *Bisenthalum*, *Blumoberga*, *Botzavium*, cum Arce Templariorum quondam statione: *Fryenwaldum*, & *Oderobergum*. Hic Marchio *Albertus* ejus nominis ii Arcem in medio fluminis exstruxit, quam præternavigantes portorium solvere coguntur. *Frisachum*, *Gerswaldum*, *Grimmitzum*, *Gruneheyda*, *Grunewaldum*, & *Koppenicum*, quatuor Principis Vivaria cum adjunctis Arcibus. *Lichenum* Opidulum, *Purstaunum* cum arce: *Mulrosa* Opidulum & pagus: *Bernavichum*, *Zossa* Opidulum cum Arce: *Wruzenum*: *Selowium* Opidulum, multique pagi ac vici. *Nova Marchia* a media disjungitur *Odera* fluvio, eo tractu quo *Warta* fluvius prope *Costrinum* aquas suas in illud exonerat. Primi nominis urbs in hac Marchia *Costrinum* est, a Marchione Joanne Ioachimi primi Filio restaurata, ac maximis impensis munita, arque in Principis sedem delecta. Aliæ sunt *Lanbsbergum* ad Warram, *Regiomons*, *Bernwaldum* & *Bernsteinum* Opidulum cum Arce, *Bernavicum*, & *Berlinicum* aut *Novum Berlinum* Opidum: Deinde *Arnswaldum* urbs, *Thamum* Opidulum, *Soldinum* quondam hujus primaria urbs: *Furstenfeldum* Opidulum: *Bramburgum*, *Driesenum* *Falkenbergum* urbs cum Arce, in Pomeranorum confinibus sita: *Kartaw*, *Lepena* urbs aulæ, *Morinum*, *Schiffelbenum*: *Ossemdum*, *Scoosflies*, *Woldenbergum*, *Zeden*, *Zandocum*. Alii totam hanc Principis Electoris ditionem in vii aut